



MANUAL DE USO PARA O ALUMNADO

Paul Roberto Herron Campos
(EOI de Santiago)
José Antonio Cartelle Cudilleiro
(EOI de Ferrol)

Proxecto realizado no marco dunha licenza por formación
retribuída pola Consellería de Educación durante o curso 2017-18

Esta unidade, do mesmo xeito que o resto de unidades que configuran o proxecto *Across the Pond*, preséntase en tres versións, para que ti elixas a que mellor se adecúe ás túas necesidades:

- **Versión en inglés:** as instrucións, a información e os subtítulos dos vídeos están en inglés.
- **Versión en español:** as instrucións, a información e os subtítulos dos vídeos están en español.
- **Versión en galego:** as instrucións, a información e os subtítulos dos vídeos están en galego.



Cada unidade consta de 8 seccións que a continuación se detallan:

1. Información sobre a unidade

Nesta sección atoparás instrucións sobre como traballar coa unidade así como a listaxe completa de unidades que configuran o proxecto.

2. Comezando

Nesta sección debes responder as preguntas de Verdadeiro/Falso acerca do asunto principal da unidade. É unha forma de presentarche o tema e de que comprobes os teus coñecementos previos, así como suscitar o teu interese e ganas de saber máis. Cada vez que marques unha resposta, o programa dirache se acertaches ou non e darache información adicional.

In Chicago you can visit the Statue of Liberty.

True False

Correct

The Statue of Liberty is in New York City.



The weather in Chicago is very cold in winter and humid and hot in summer.


True False

3. Glosario

Nesta sección tes á túa disposición un documento en pdf que contén unha selección de vocabulario que cremos que pode ser interesante para ti, con léxico extraído dos vídeos. O vocabulario está traducido ao español e ao galego. Bótalle unha ollada antes de ver os vídeos.

4. O vídeo

Aquí atoparás un vídeo de entre 4-5 minutos de duración con información nova sobre o asunto principal da unidade. Os vídeos están narrados en inglés e subtitulados en inglés, español ou galego, dependendo da versión que elixas. Co visionado deste vídeo, saberás máis cousas sobre diversos aspectos socioculturais do mundo anglosaxón e te prepararás tamén para a entrevista cunha persoa nativa na seguinte sección. Podes ver o vídeo as veces que queiras e cando esteas preparado, responde as preguntas que se che presentan para comprobar a túa comprensión do texto oral. Estas preguntas adoitan ter forma de Elección Múltiple ou Verdadeiro/Falso. Cada vez que marques unha resposta, o programa dirache se acertaches ou non e darache información adicional.



5. A entrevista

Nesta parte poderás ver a entrevista feita a unha persoa de fala inglesa sobre algún aspecto do tema principal de cada unidade. Poderás ver o vídeo con subtítulos e facer as actividades de comprensión tal e como descríbese no punto anterior.

An interview with Amy

Watch the following interview with Amy. Then answer the questions below.



My favorite attraction in Chicago is the bean. It's a large structure literally shaped like a bean and people really enjoy going there.

6. Transcricións e audios

Aquí tes acceso a todo o material da unidade en formato pdf e mp3: transcricións e audios dos vídeos e as actividades de comprensión coas súas respostas (dossier pedagóxico).

7. Para saber máis

Nesta sección poderás ampliar e consolidar coñecementos a través dunha serie de ligazóns a recursos da web tales como vídeos, fotos, páxinas web oficiais de institucións, información cultural, etc.

8. Créditos

Esta sección contén información sobre a autoría do material multimedia incluída na unidade.

A continuación, suxerímosche unha orde para realizar as actividades desta unidade:

- Empeza lendo a información sobre a unidade.
- Fai as actividades da sección **COMEZANDO** para comprobar o que sabes previamente do tema.
- Mira o vocabulario seleccionado da unidade na sección **GLOSARIO**.
- Mira o **VÍDEO** e responde as preguntas.
- Logo mira o vídeo da **ENTREVISTA** e responde as preguntas.
- Por último, segue as ligazóns que máis che interesen na sección **PARA SABER MÁIS**, que achegan información adicional sobre a unidade.

Unha forma adicional de traballar esta unidade é mediante a utilización dos audios e o dossier pedagóxico que atoparás na sección **TRANSCRICIÓNS E AUDIOS**. Nesta sección tamén tes acceso ás transcricións dos audios por se necesitas consultalos durante a escoita.

Unha última consideración: segue sempre as indicacións do teu profesor/a. El/ela darache información sobre onde e cando realizar as actividades desta unidade, en que orde facelas, como facelas e canto tempo dedicar a toda a unidade ou a parte dela.